



Codex diplomaticus Brandenburgensis

Sammlung der Urkunden, Chroniken und sonstigen Quellenschriften für
die Geschichte der Mark Brandenburg und ihrer Regenten

Sammlung für allgemeine Landes- und kurfürstliche
Haus-Angelegenheiten

Riedel, Adolph Friedrich

Berlin, 1859

382. Prälaten, Ritterschaft und Städte der Neumark vereinigen sich, in
Betreff der Huldigungsleistung, der Steuerforderungen und der Verfolgung
von Friedensbrechern zusammenzuhalten, am 15. Juli 1470.

Nutzungsbedingungen

[urn:nbn:de:hbz:466:1-56597](https://nbn-resolving.org/urn:nbn:de:hbz:466:1-56597)

382. Prälaten, Ritterschafft und Städte der Neumark vereinigen sich, in Betreff der Guldigungsleistung, der Steuerforderungen und der Verfolgung von Friedensbrechern zusammenzuhalten, am 15. Juli 1470.

Na Gades geburtt dusent vierhundert, darnach in dem Söventigsten Jahre, am dage divilionis Apostolorum, des was dy Sondag nach Margarethe, hebben wy Prälaten, Ridderchafft, Manne vndt Stede gestliches vndt weltliges Standes der Nyemarcke vorhandelt vndt vmme desz vndt andere wegen mancherhande schade der Nyemarcke, also datt wy an beden Pardten in allen ehrlicken, mogelicken vndt tunelicken stugken vndt gescheften edder saken, dy dar mogen Vnserm gnedigen heren vndt syner gnaden Landen ehrlicken, muglicken, frommelick wesen, datt wy darvor alle schölen helfen raden vndt met eindracht daby fahren: ock mehr, datt wy Prälaten, Ritterschap vndt Mannen scholen vndt willen bey den Steden bliewen vndt ock wy Stede der Nyemarcke scholen vndt willen by Vnsern Prälaten, Ritterschafft vndt Mannen bliewen, also dat neyn pardt weder dat ander dohn schall vndt will, sondern met ehndracht vndt wol beradenen ripen mude, eth sey von wegen der holdunge edder in der entfanginge Lehne von Vnsere gnedigen Herren edder heren Bede edder Zyse edder der Landtschate, wo mahnt nömen schall, vndt ok suft ander vnpfflichte, die da mogen kommen von der herrschafft edder von syner gnaden reden oder Vogeden, in allen den stugken vndt anderen gescheften vndt saken, die dar mögen antretten vndt ghereith antredene syn, Vnsers heren gnadenn vndt ock syner gnaden Lande vndt Städten, scholen vndt wollen wy erbenomenden Prälaten, Ritterschafft, Manne vndt Städte fahren vndt duhn mett gantzer ehndracht vndt ripenn Rade. Ock hebbe wy vns an beden Pardten vortragett vndt voreinighett, oft fick Jemandt vnder vns in der Nyemarcke edder jemandes von Buten vth an Rove, mörde edder Bröcke werde vorgripen vndt nicht mit rechte fahren, den göthlicken christlicken frede worde breken vndt nicht holden, also id bederfit dinghett, vorwilliket vndt verlaten izz vom beden Pardten von der herrschap beder Lande; so scholen vndt willen wy Prälaten, Ritterschafft, Manne vndt Stede desser vorbenömender Nyemarcke ein Pardt dem andern getrewlich helblichen vnd Bystand dohn, vp dat wy mögen so denne schedigher ok röver oder morder efthe fredebreckere sturen beth an Vnsern gnedigen heren edder an syner gnaden reden vndt Vögeden. Wer eth sake, datt ymandt von edder vnder vns einighen frede Broke dede edder dun müste tho dem andern vmme des willen, dat her nich rechtens bekamen köntte, die scholl vnde mag tho der ersten vndt negeften Statt fliegen, vndt dar schall man en tho ghelicke vndt rechte inlaten, gheleyden vndt lyden ahne arg vndt gefehrde vndt schaden. Vff der sellvighen Stadt, da die fredebrecker, dy suft nich rechtes dermanen edder bekamen kontte, ynfliegghen worde, wedderstellunghe darumme gescheye oder schade wedderfuhre; den schaden vndt wedderfall scholen vndt willen wy vpgenannten Prälaten, Ritter-

ſchap, Manne vnd Stede tho glicker Burden vthdragen vndt lyden. So ouer die fredebreker vorfluchtig vndt diſſe vnſe einighe vndt vordrag nicht holden wurde vndt ſonderligk tho gelike vndt rechte nicht wolle getheydet wesen, dem ſchalen vndt willen wy alle meth eyndracht volghen vndt ſuken. Diſſe Vorwillunge vndt eyndracht iſt geſchehen in deme jahre vndt daghe baven geſchreuen tho deme Soldinhe in der Stadt yn dem Möncke Kloſter. Defz tho Orkondt, mehr ſicherheit vndt Beſtendigkeit hebbe wy vorberurende Prälaten, Ritterſchap, Manne vndt Städte der Nyemarke vth erkoren vndt erwelet mett wiſſchop vndt eyndracht vnſer allen ettliche gheyftliche vndt ock weltliche heren vndt Prälaten vndt ock etliche von den Mannen, vndt ock von den Steden, altzo nemlich die andechtige werdighe here Abbet here Jaſper von Gunthersberge Kombter thom Quartzen, Clawes von der Marwitz, henning von Ellinghen, Kone von der Goltze vndt diederick Block von aller Prälaten, Ritterſchap vndt Manne wegenn vndt diſze Rede Konigesberghe, Landtsberghe, Soldin vndt Arnswoldt vor vns vndt alle andere Stede ſcholen vndt wollen ire Inghesgell an diſzen Vnſen Brief henckhen vp vnſer aller Befehl vndt Behuff, ſodanen Contracth ſtede vndt vheſte tho holdene by vnſen wahren worden, ehren, trauen vndt veſten Beſtendighen Lovenn.

Aus Diekmann's Urkunden-Sammlung des geheimen Staats-Archives Folio 80. und einer alten Copie der Joachims-thalschen Schulbibliothek.

383. Kurfürst Albrecht giebt seinem Sohn und seinen Räten in der Mark auf, in der Uchtenhagenschen Sache nach den Wünschen seines Bruders nicht in der angeordneten Weise zu verfahren und meldet ihnen die Entsendung einer Gesandtschaft an den Papst wegen der Absolution von Gebannten, am 14. September 1470.

Was wir In veterlicher trev allezeit libs vnd guts vermogen vnd vnſer freuntſchaft vnd gunſtlichin grus zuuor. Hochgeboren furſt, lieber Sün. Erwirdige beſunder lieber frundt vnd getrüwen. Vns haben eemaln vnſer Rete vnd liebe getruwe doctor Jorg von Abſperg vnd Ludwig von Eybe eynen handel, der ſich von eynen von vchtenhagen an ſeynen geborne fründe, den er erſchlagen, begangen hat, In ſchriften zu erkennen geben, dar auf wie Ine wider vnſern willen zugeſchriben haben, des Ir auch berichtet ſeyt. Nu haben wir ſinthere vnſerm lieben bruder dieſelben ſchrift horen laſſen vnd vermercken, das Im das wider iſt vnd da ob nicht gefallens hat, vnd nach deme wir In dem vnd andern vns gerne ſeins willen fleiſzen; So iſt vnſer ernſte meynunge, wo biſz here In derſelben ſach nichts beſſerlichs were geſcheen, das Ir dar Inne nicht ferner handelt ader furnemet, biſz wir ſelbs hinein komen werden. Als vns auch itzundt Jungſt der abſchid des tags mit den wolgaſti-